

## ■ PRO PATRIA

# Ovra d'utilitad publica

**(anr) La Pro Patria è vegnida fundada 1909. Ella arranscha onn per onn ina collecta che porta enturn 3 milliuns francs.**

Quels meds derivan da la vendita tradiziunala da l'ensaina dal 1. d'avust e da las zunt popularas marcas postalas da Pro Patria. Il retgav vegn utilisà per promover projects en connex cun la tgira da la cultura, dentant era per intents socials.

L'ensaina da l'emprim d'avust da quest onn – cun tuts quatter linguatgs naziunals – è ina plachetta da mesch e vitiers in bindel da taila cotschna cun la crusch svizra.

Las marcas da Pro Patria da quest onn – duas à 85 raps e duas ad 1 franc – han sco tema: ils bastiments a vapur en Svizra. Mus-sads vegnan sin las marcas dad



**Ensaina (plachetta) da 1. d'avust.**

85: il bastiment «Piemonte» (Lago Maggiore) e la «Gallia» (Lai da las quatter forestas) – e cun las

marcas dad 1 franc: «Blümlisalp» (Lai da Thun) e «La Suisse» (Lac Léman). La Pro Patria survegn mintgamai il supplement da 40, resp 50 centims per marca. Dals prest 50 bastiments a vapur, ch'i deva l'onn 1945, èn oz anc 14 en funcziun.

Plinavant sustegna la Pro Patria er il project da barat tranter la giuventegna da scola per ils onns 2011–2016. I sa tracta dad in stgomi da scolars tranter las regiuns linguisticas e culturalas en Svizra. Quest project realisescha la Fundaziun Pro Patria ensem cun la Fundaziun federala per la collavuraziun. Las duas organisaziuns numnadas confinzieschan quels barats. Ins haja fatg bunas experientschas cun tals da classas primaras e secundaras.